



Minggu, 07 Agustus 2022
Ogen: Ezeziel 46:19-24



Perlengkapan Rumah Pertoton



Rumah Pertoton Tuhan, e me kap ingan Dibata ringan guna masu-masu perpulungenNa. Tangtangna ipajekken kerina bahan ras perkakas Rumah Pertoton e ibuat arah kerina bahan-bahan si kusus. Engkai ndia maka bage? Sabap ate Tuhan, nuduhkenca man bangsa Israel maka reh ku Tuhan la banci sembarangen. Amin gia Ia dem perkuah ate, tapi kebadian Tuhan tetap arus ijaga.

I Bas njaga kebadian Tuhan, arus iperdiateken kerina kelengkapan rumah pertoton e termasuk dapur ras perkakas si iperluken i je. Dapur si lit i tengah-tengah rumah pertoton e, lit ibahan 2 erbage. Sada dapur kusus guna imam-imam, i ja i bas dapur e me imam-imam nutung persembahen tutungen ras persembahen si nasapken dosa. Arah dapur e nge maka imam-imam banci man persembahen si ikususken man bana. Jenari lit 4 dapur si arah darat. E gunana e me jadi batar-batar persembahen si banci ilakoken perpulungen man Tuhan. Janah arah dapur si e ka nge maka ia banci nangger persembahenna jine. Engkai maka lit dua erbage, si enda pe ate Tuhan ngajarken bangsa Israel maka, amin gia perkakas perdakenen pe, tapi si e penting i bas Tuhan. Gelah tetap ijaga kemulian Tuhan ras nuduhken lit batas erkiteken dosa si ibahan manusia ras Dibata. Manusia perlu ngeteh maka labo lit kuasa si banci ipeseri ras Kuasa Tuhan, amin bage gia tetap maler kekelengen Dibata e. Dosa manusia labo ngasup ngolang-ngolangi perkuah ate Tuhan.

Pemisahen e, mahan bangsa Tuhan arus rusur ndahi Tuhan ras ndarami sura-suraNa. I bas diri Jesus kerina pemisah e enggo ibukaken. I bas wari kematenNa, maka kire-kire Rumah Pertoton e enggo italangi. Dosa manusia enggo itanggungken ku bas diri Jesus, sierbahanca kita enda enggo banci ndahi Jesus katawari gia. Dahilah Tuhan i bas kebadianNa. Sabap badia kin biakNa janah sijaga ka kebadianta.